

पावलका थेसलोनिकीमिमलाई

ज्याक्तुम चडडाम सेलाखाजेम

पावलकु सेव

१ गो पावल, सिलास नुड तिमोथीका गानी माम्चुनी ईकीमा पाप नुड डाचो येशू ख्रीष्टकु मण्डली थेसलोनिकीमिमलाई ओराम सेलाखाजेम ज्याक्तोडा बोकु। माम्चुनी पाप नुड डाचो येशू ख्रीष्टलामका गानी दिदाम नुड न-भ्रसी ल्वानी। २ माम्चुनी पाप नुड डाचो येशू ख्रीष्टलामका दिदाम नुड न-भ्रसी ल्वानी।

पावलकु सोम्दी: थोमतेर्सीडला सो हन्बेसी

३ वा-ल्लाकनी, ईनीमा लागि गुकु हेल्लो लोवो माम्चुनीलाई आलासो गवामुडा बासी। ओराम जोपा दुम, हेडालोने ख्रीष्टडा गानी छोम थोरलुत्तो लनिम बु, मा वाडमिम मुचुनुड वो छोम रिखाम बेबोनीमिम बु। ४ मीमिमका खोत्ले ईनीमा थोमतेर्सी नुड छोम दुखा ल्वान्नीलो इम्निम नुड थोरलुन्निमकु दुथाम आकी नो डोकपु बेत्तो माम्चुनीकु वाडमिम मण्डलीनुड सोकु।

५ माम्चुनीका जोहोमका निया बोमी मा उनीमा किब्दीकाम लागि गानी घेट्पा दुम्नीम बु ज्वाक्पा ईनीमा दुखाका रेम्बु। ६ माम्चुनीका जोहोमका निया बोमी, उहेम मुचुमिमका गानीलाई दुखा ग्वानी, गुमीका वो मेर्मिमलाई देन्दे ग्वामी। ७ मेम्मा युमनुडमा उनी पाह्नीचोमिमनुड डाचो येशू रेम्बेम्सिमीलो गानी दुखा ल्वापामिमकाम न-भ्रसी बेन्मी मा

आकीमा वो न-भ्रसी बेन्मी। ८ गुमी मुकु भुल्लुडा योमीमा माम्चुनीलाई मेछेपामिम, मा ईकीमा डाचो येशू ख्रीष्टकु जोपा-सेला होम्साका मेबेपामिमलाई देन्दे ग्वामी। ९ *हेल्लो वो त्वारोम मेल्वापा बेसाका पुयुलुक्पा देन्दे मेर्मिमका ल्वामी। मेराम ने डाचो येशूडाम नुड उनीमा भवाक्पा युमडाम वाड दुम्मु सो। १० डाचो येशू योमीमिमनेम ओर्मिम खोत्ले ल्वा रोथि। सेपा उनीमा मुचुमिमका गुमीलाई डोकपु बोमी मा गुमीडा थोरलुपा खोत्ले डाडाया दुम्साका गुमीलाई डोकपु मिम्मी। गानी वो मेर्मिमनुडडा दुम्नी हेडालोने गुकु ल्वाकोत्तो-सोत्तोकोम ल्वाडा थोरलुन्नी। ११ ओराम ल्वा नडा मिम्साका गुकु हेल्लो लोवो सोम्दी बोकुमिम बुकु, माम्चुनीका गानीलाई उनीमा किब्दी गोडा हुमु घेट्पा दुम्बेनीमीनु। मेम्मा गानी ईनीमा नका नुड थोरका बेन्निम खोत्ले खारीमिम उनीमा युमलामका दुम्मु। १२ मेम्साका ईकीमा डाचो येशूकु नड गानी गोडा कोसीनु मा गुमीनुड गानी वो कोन्सिनी। ईकीमा माम्चुनीकु दिदामका नुड डाचो येशू ख्रीष्टलामका ओर्मिम खोत्ले दुम।

डुम्लाकु कोथोलाम बमिम मुचु

२ वा-ल्लाकनी, ईकीमा डाचो येशू ख्रीष्ट योमीमिम नुड गुमीलाई क्रोम्मु लागि माम्चुनीका कोदेप खोप्सामीमिमकु दुथाम गुकु गानीलाई छोम ज्वाकु, २ कोडनिमका ओराम ल्वा ज्वामु चाप्पी, माम्चुनी-पेललाम लोवो कोडनिमलाम लोवो आकीमा

१:६ *माम्चुनीनुड हेल्लो वो दुम्मु मेल्वापा देन्दे।

कोडनिम सेलाखाजेममिमलाम लोवो थोत्तोकोम डाचो येशू डादोडा योमु डुम्मिडीम बु। मेर्मिमका आरे ज्वामीलो ईनीमा नडा मेभ्रल्यासिड्पा मेदुम्नी मा ईनीमा लो मेदाम्नु। ^३ मुचुमिमका ओराम ल्वाकु दुथाम गानीलाई ज्वामीमिम लिमा ल्वा बन्दै मेथोनी वो। मुचुमिम माम्चुनीकु कोर्थोलाम बमी, मा माम्चुनीकु डुम्लाकाम कोर्थोलाम बमिम पुयुलुक्पा मुचु रो। मेम्मा डाचो येशू योमी। ^४ माम्चुनीकु कोर्थोलाम नुड मुचुमिमका सारलोले बोमीमिम मूर्तिकु कोर्थोलाम मेराम ब। मेम्साका गु उ त्वाप ने माम्चुनीकु सारनेम गोडा डोकपु लिसीमा गन्, मा माम्चुनी गोडा ज्वा। ^५ गो गानीनुड बाडडोला ज्वाडडोम ओराम ल्वा हाम मेमिम्नी? ^६ मेराम मुचु रेम्बेसीनु ज्वाक्साका उमा थारी रोमीमसम्म हामका भोपथाडुमिम बु मेराम गानी चनी। ^७ डुम्लाकु कोर्थोलाममिम युमका थोसिक्साका खारी बेत्तोडा लेडु। कोडनिमका ओरामलाई भोमथामीमिमसम्म मेमडा बुहोम बु। ^८ मेम्मा डुम्लाकु कोर्थोलाम बमिम मेराम मुचु रो। डाचो येशूका उनीमा सिलाम लुक्पा *सामका गुलाई सेन्मी, मा गुमी योमीमिमकु भवाक्पा युमका पुयुलुबेन्मी। ^९ मेराम मुचु रो मा शैतानकु युमका लिमा युमखारीमिम, हेल्लो वो मेल्वाम्मा लिमा खारीमिम नुड छेखोपमिम बु, ^{१०} मा पुयु लुक्पा मुचुमिमलाई मेरामका खोत्ले मेजोपा ल्वाका लु-फेले बुमी। मेर्मिम पुयु लुमी हेडालोने सेल्सिक्पा आच्छाडाकाम ल्वा मेर्मिमका मेद्वक्विमवा मा मेरमीवा, ^{११} मेर्मिमका आच्छाडाकाम ल्वाडा थोरलुमु मेबिम्सिक्विमवामका, माम्चुनीका मेर्मिमलाई लिमा ल्वाडा थोरलुमीनु ज्वाक्साका डिन्सोम्डी। ^{१२} मेर्मिमका येशू ख्रीष्टकु दुथाममिम आच्छाडाकु ल्वाडा थोर मेलुपा, लावो

मेजोपा ल्वाडा भ्रसिक्पा खोत्ले मुचुलाई माम्चुनीका मुमा बेन्मी।

छोम थोर लुनिम बानी

^{१३} माम्चुनीका रिखाम बेपा वा-ल्वाकनी, ईनीमा लागि माम्चुनीलाई हेल्लो लोवो आलासो ग्वामुडा बासी। हेडालोने माम्चुनी पेलका गानीलाई सेपा उनी मुचु दुम्बोटिनम नुड आच्छाडाकाम ल्वाडा बेन्मी थोरलाम माम्चुनीका गानी खोत्लेडाम डादो सेल्सिमु छोटिनम बु। ^{१४} गुकु गानीलाई थोबेत्तोकोम जोपा-सेलालामका सेल्सिमु लागि माम्चुनीका येटिनम बु। गानी वो ईकीमा डाचो येशू ख्रीष्टकु युम-भवाक्सीकाम दोदोवा डानी। ^{१५} मेर्मिमका वा-ल्वाकनी, गुकु गानीलाई आकी सिजेमका लोवो सेला -खाजेमका लोवो सीत्तोकोम सीसि होम्साका बेनिम बानी, मा थोर लुनिम बानी। ^{१६} गुईलाई रिखाम बेपा डाचो येशू ख्रीष्ट नुड माम्चुनी ईकी पापकु दिदामका हेल्लो वो मेहुक्पा सो हन्बेसाड्डामिम बु, मा जोपा ल्वा लथाक्पा धदुम्बेसाड्डामिम बु। ^{१७} ईकी सो हन्बेटपा माम्चुनीका खोत्ले ईनी जोपा खारी बेसीडा नुड जेसीडा सो हन्बेन्सानीमीनु, मा रल्लोनीमीनु ज्वाक्साका सोम्दी बोकु।

खोत्लेकाम लागि सोम्दी बेनी

^३ हुम्दडा, वा-ल्वाकनी, गुकु गानीलाई ज्वाकु, आकीमा लागि सोम्दी बेसाटिकनी। डाचो येशूकु सिजेम दाला-दाला खोत्लेका थोमीनु, मा गानी बोनीमिम होडडा मेर्मिमका वो येशूकु सिजेमलाई डोकपु मिम्मीनु। ^२ माम्चुनीका गुकुलाई रुचो नुड मेजोपा मुचुडाम वाड बोकीमीनु ज्वाक्साका वो सोम्दी बेनी, हेडालोने येशूकु सीसिडा खोत्लेका ने थोर मेलुमी। ^३ लावो डाचो येशू ने

^१२:८ *को सिका।

थोरलुईमिम बुमी। गुमीका गानीलाई सो
ग्वानीमी, मा शैतानडाम बोनी-थानी।
४ गानीलाई गुकु बेबेत्तोकोम ल्वा गानी
जोहोमका बेत्तोडा लेनी मा आथावो
जोहोमका बेत्तो लनी ज्वाक्साका ईनीमा
दुथाम डाचो येशूडा थोर लुत्तोकोम बु।
५ डाचोका ईनीमा न-गोलाई माम्चुनीकु
रिखाम नुड ख्रीष्टकु इम्सीथो क्रिमीनु।

भ्रेपा मेदुम्नी

६ वा-ल्वाकनी येशू ख्रीष्टकु नडडा
गानीलाई ज्वाकु, गुकु सीत्तोकोम
सीसि होम्साका मेदोसाका भ्रेपा
खोत्ले वा-ल्वाकमिमडाम वाड बानी।
७ हेडालोने गुकु बेत्तोकोम होम्साकाडा
गानी वो खारी बोमु बासी ज्वाक्पा ने
चनिम डा बु। गुकु गानीनुड बात्तोकोम
थारीका हेल्लो वो मेभ्रेकुवा। ८ गुकु
खउलुड मेसोक्साका सुकाम वो मेरे
*मेपेसाक्कुवा-मेडुसाक्कुवा। लावो
गानी सुलाई वो दुखा मेगवामु ज्वाक्साका
नेम्फू-सिन्था खारी बेत्तोको। ९ गुकुलाई
पोमु-डुमु ग्वाक्की ज्वाक्साका गानीनुड
बिमु ल्वाकुवा, लावो गानी वो आकीमा
बेसी बेनीमा गुकु होप्पामडा खारी बेपा
दुम्नी ज्वाक्साका मेम बेत्तोकोम सो।
१० गुकु गानीनुड बात्तोकोलो गानीलाई
आरे ज्वाक्तोकोम बाईडा, “उहेमका
खारी बोमु न मेबु, मेरामका मेपुनु
मेडुडुनु।” ११ गानीगोडाम कोडानेम

भ्रेपा बुमी, मा उनी त्वाका खारी बोमु
ने मेरे मुचुमिमलाई वो खारी बोमु
लापान्चोसीमी ए ज्वाक्पा गुकु थोत्तोको।
मेम्मिमका आरे ज्वाक्कुमिम। १२ मेर्मिमका
लिबा बासाका खारी बोमीनु, मा
पोमुडुमु लागि उनी त्वाकाडा खउलुड
डुप्पीनु ज्वाक्साका डाचो येशू ख्रीष्टकु
नडडा मेर्मिमलाई ज्वाकु, मा बेबेन्कु।
१३ वा-ल्वाकनी, गानी ने आरेप्पाम
जोपा खारी बोमुडा मेघुम्नी। १४ ओराम
सेलाखाजेमडा ज्वाक्तोकोम सिजेम
कोडनिमका मेथोसु माला मेराम मुचुलाई
जोहोमका छेन्जोल्नी, मा मेरामलाई
उ क्रोम लुनु ज्वाक्साका मेरामडाम
वाड बानी। १५ मेमडा लोवो मेरामलाई
ईनी स्वाक्चिमो मुचु होडडा मेबेनी,
लावो ईनी त्वाकु वा-ल्वाक होडडा
डिमसाट्नी।

हुम्दडाम पावलकु सेव

१६ न-भ्रसी बेट्पा डाचो येशूका खोत्ले
थारीका नुड हेल्लो लोवो ईनीमा न-भ्रसी
बेन्मीनु। गानी खोत्लेनुड डाचो येशू
दुम्मीनु। १७ गो पावल, आमा त्वाकु
ल्वाकाडा ओराम सेव ज्वाक्तोम सो।
मेर्मिम सेलाखाजेम गो थुर्तोम ज्वाक्पा
रेम्बोमु लागि खोत्ले आमा सेलाखाजेमडा
आरेसाकाडा ज्वाक्पु। १८ ईकी डाचो येशू
ख्रीष्टकु दिदाम गानी खोत्लेनुड दुम्नु।

१३:८ *सोबेम ज्याक्पा बु, मा मेराम इस्राएलडाम डोक्पु पोमु-डुमु।